


東山金玉相纂述

太湖傳考

藝蘭圃藏板

太湖備考序



今天下車書一統疆域之廣極
於無外海內又安大化翔洽超
越前古是以若省若府若縣莫
不纂修志乘以昭其盛太湖雖
蕞爾一隅亦

聖天子聲教漸被之區也曷可以無

志之太湖志明代有蔡氏王氏
二書皆爲善本顧文章不朽而
事蹟日新今之太湖異於昔之
太湖矣康熙三十八年己卯夏
恭逢

聖祖仁皇帝翠華臨幸駐蹕東山与杭
之西湖常之惠山我郡之虎邱

鄧尉靈巖並承

恩寵震澤底定以來數千百年無此
遭逢也而又

廟謨周執念切民艱慮太湖有奸匪
竊發為地方患設湖營以防緝示
之憲太湖之水政不脩為農田
憂移府佐以督理之且慮太湖

中風濤不測山民之輸將於縣
者舟行險阻

命太湖廳就近徵收之以愛民之心

行愛民之政而湖山遂多典故
幾與郡邑埒然則志太湖于今
日可不於所當務者加之意哉
金子玉相敏而好學者卓識講

學論古法之數予所未發爲舉
業文俊偉可喜太湖備考一書
其居憂輟業時所作不曰志而
曰考妣占郡邑同亦以示所輯
未必盡覈聊以備後來之考訂
謙詞也橐既成是正於予之觀
其於太湖之窮源竟委而知其

見之遠於沿湖水口濱湖諸山
之驗通塞計遠近別險夷而知
其智之周於兵防之備錄奏議
田賦之詳核地畝而知其憲之
長于傳會之古蹟澄昏之祠廟
興夾一切仙鬼荒誕之說削而
弗錄而知其志之正紀載不越

湖山而經濟可通於天下以視
憊之於一林一壑而詳述古剎
名園之興廢博收朝風異月之
篇章以為補蔡王之未逮者其
所識之小大為何如也金子真
此學識年富力強其成就正未
可量他日出為世用於國計民

生諸大端揆災度勢與時宜之
以仰佐

朝廷郅隆之治而於是書卜之矣予
雖老穉庶幾見之爰筆諸卷端
以為券乾隆庚午孟夏某庭吳

曾撰

余從學於萊庭吳先生之門二十有餘年
先生於經濟之學無所不諳而尤究心於
水利故文課之暇凡黃運江淮以及太湖
淞婁之有關國計民生者時得聞其論說
余心悅之每退而誌焉既閱王文恪之震
澤編翁季霖之具區志竊謂夫人著記載
山水之書亦期於有寔用也為遊覽者指
示其名勝特餘事耳何文恪所編若僅為

遊覽者設而季霖所志名及經濟終鮮寔
用又不如王編之記勝文 子厚之足觀
也自是余遂舍置而弗論會乾隆乙丑江
浙兩大中丞皆以相視太湖節鉞先後臨
止登莫釐縹緲二峯而望湖廣數百里湖
之中大小山以什計湖之外三州十邑環
如帶如此全湖之大局也而此環如帶如
間之溪瀆淪港為三州十邑衆流之往來

人舟之出入道途險易之所由農田旱潦之所關太湖扼塞於是乎在尤為任封疆者經畫所宜及中丞之登望倘亦因前人記載多述湖中之名勝而湖外之要領無一語道及思欲居中四眺以得太湖周遭之大勢耶而惜乎書缺有間無足以取證也爰請於先生曰自太湖有專書而湖山之名勝人鮮不傳之亦自太湖之名勝人

傳之而湖山之扼塞人鮮能知之先生曷
不取王編翁志訂其沿訛增補其闕畧俾
留意太湖者有所採擇乎先生曰是誠經
世之學有實用之書也第予方集黃運淮
說不暇以為子善為之予樂觀厥成焉於
是束裝裹糧徧歷湖山之間而湖外之溪
瀆淩港雖遠必至一、究其源委險夷又
復考古證今務欲詳其事而得其寔狀後

以次纂輯共為卷一十有七為類三十名
之曰太湖備考噫余能少知記載山水書
之本末輕重所為庶不盡蹈前人之轍或
可為後來相視太湖者啓窾要之萬一而
跋涉高深者亦可周知湖山之勝事故之
寔此由幸得久從先生遊數聞先生之教
而狀也復回憶餐風宿雨於山巔水湄間
繪圖削稿於僧房客館中幾經寒暑而得

為太湖一表形勝之全則又不獨余之幸
而亦湖山之幸也夫庚午新秋金友理識

太湖備考

師資姓氏

吳萊庭

名

曾

字

魯傳

東山

理

受業師也集中水道源委及註釋論按之當增損改易者皆師所口授

徐洄溪

名

大椿

字

靈胎

震澤

江震新志先生分修水利最爲詳善集中所採兩志水道諸說造門就正焉

吳半園

名

莊

字

友篁

武山

蘇州府新志先生分任採訪嘗以圖繪湖山徧遊

太湖問途於已經惟先生實啓發之

邱悔齋

名

賡熙

字

南懷

東山

理表叔也博學知名而善獎勉後進茲集自初稿

以至脫稿無不寓目

華雨峰

名

鵬

字

振飛

漁洋山

庠姓朱

先生工文而善畫凡尋山問水出必與偕以繪湖
山之面目故集中之圖方位頗準

蔡雨亭

名

琦

字

宏望

西山

西山節孝皆先生採訪

友理謹識